

Innfluttar sjóðvélar til eigin nota eða eigendaskipti að notaðri sjóðvél skal innflytjandi eða seljandi þegar í stað tilkynna ríkisskattstjóra eða skattstjóra. Í tilkynningunni skulu koma fram sömu upplýsingar og um ræðir í 1. mgr.

Sé sjóðvél tekin úr notkun vegna þess að hún er ónýt skal tilkynna slíkt til ríkisskattstjóra eða skattstjóra.

4. gr.

Reglugerð þessi er sett samkvæmt heimild í 23. gr. laga nr. 50/1988, um virðisaukaskatt, með síðari breytingum, sbr. 47. gr. þeirra, og öðlast gildi 1. janúar 1990.

Fjármálaráðuneytið, 14. nóvember 1989.

Ólafur Ragnar Grímsson.

Snorri Olsen.

REGLUGERÐ

um endurgreiðslu virðisaukaskatts til sendimanna erlendra ríkja.

1. gr.

Við kaup á vörum eða þjónustu innanlands ber erlendum sendiráðum og sendierindrekum að greiða virðisaukaskatt og aðra óbeina skatta eftir þeim reglum sem almennt gilda á Íslandi um þau viðskipti.

Erlend sendiráð og sendierindrekar (diplomatic agents) fá endurgreiddan virðisaukaskatt af vöruflokkum þeim sem um getur í 2. gr. enda sé því lýst yfir að viðkomandi vara sé ætluð til notkunar fyrir erlent sendiráð eða til persónulegra nota sendierindreka og þeirra venslamanna hans er teljast til heimilisfólks.

2. gr.

Endurgreiðsla samkvæmt 1. gr. tekur til eftirtalinnna vara:

1. Vörur keyptar til notkunar á skrifstofum sendiráða:
 - a. Húsgögn, innréttingar, speglar, lampar og gluggatjöld.
 - b. Eldavélar, kælikápar, ræstingavélar, áhöld til drykkja- og ísframleiðslu.
 - c. Skrifstofuvélar.
 - d. Viðvörunar- og öryggisbúnaður og slökkvitæki.
 - e. Grassláttuvélar og snjósmoksturæki.
2. Vörur til persónulegra nota fyrir sendierindreka.
 - a. Húsgögn, speglar, lampar og gluggatjöld.
 - b. Eldavélar, kælikápar, frystikistur og skápar, þvottavélar, tauþurrkarar, uppþvottavélar, strauvélar, ryksugur, saumavélar og önnur rafknúin heimilistæki.
 - c. Útvarpstæki, sjónvarpstæki, segulbandstæki, myndsegulbandstæki og hljómlutnings-tæki.
 - d. Píanó og orgel.

3. gr.

Umsóknum um endurgreiðslu ber að beina til utanríkisráðuneytisins og fylgi umsókn frumrit af þeim reikningum sem endurgreiðslubeiðni er byggð á. Eftir að utanríkisráðuneytið hefur gengið úr skugga um að í hlut eigi aðilar er undir reglurnar falla sendir það Ríkisendurskoðun endurgreiðslubeiðnirnar ásamt þeim reikningum er umsóknum fylgja. Að

lokinni endurskoðun sendir Ríkisendurskoðun reikninga til viðkomandi sendiráðs með áritun um endurgreiðslu en sendir greiðslubeiðnina áfram til ríkisfóhirðis til afgreiðslu.

Ekki verður um endurgreiðslu að ræða nema heildarfjárhæð hvers einstaks reiknings nemi a.m.k. 10.000 kr. með virðisaukaskatti og einungis ef viðkomandi reikningur ber það greinilega með sér að virðisaukaskattur hafi verið greiddur.

4. gr.

Um innflutning gilda ákvæði 3. gr. tollalaga nr. 55/1987, með síðari breytingum.

5. gr.

Reglugerð þessi sem sett er með stoð í 47. gr. laga nr. 50/1988, um virðisaukaskatt, með síðari breytingum, öðlast gildi 1. janúar 1990.

Fjármálaráðuneytið, 14. nóvember 1989.

Ólafur Ragnar Grímsson.

Snorri Olsen.

REGLUGERÐ

um bann við tog- og dragnótaveiðum á svæðum fyrir Suðurlandi.

1. gr.

Frá og með 18. nóvember 1989 eru allar tog- og dragnótaveiðar bannaðar fyrir Suðurlandi á svæðum, sem markast þannig:

1. Að austan af línu, sem dregin er 180° réttvísandi frá Ingólfshöfða, að vestan af 18° V og að sunnan af línu, sem dregin er 4 sjómílar frá fjörumarki.
2. Að austan af 18°40' V og að vestan af 19°30' V og að sunnan af línu sem dregin er þrjár sjómílar frá fjörumarki.

2. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 81 31. maí 1976 um veiðar í fiskveiðilandhelgi Íslands. Með mál út af brotum skal farið að hætti opinberra mála.

3. gr.

Reglugerð þessi er sett samkvæmt ákvæðum laga nr. 81 31. maí 1976, um veiðar í fiskveiðilandhelgi Íslands til þess að öðlast gildi frá og með 18. nóvember 1989 og birtist til eftirbreytni öllum, sem hlut eiga að máli. Frá sama tíma er felld úr gildi reglugerð nr. 298 26. júní 1989 um bann við tog- og dragnótaveiðum á svæðum fyrir Suðurlandi og reglugerð nr. 395 25. ágúst 1989, um bann við tog- og dragnótaveiðum vestur af Vestmannaeyjum.

Sjávarútvegsráðuneytið, 16. nóvember 1989.

F. h. r.

Jón B. Jónasson.

Pórður Eyþórsson.